

Broj: 16-2850- 9 /22
Datum: 10.05.2022. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku o izboru najpovoljnijeg ponuđača za lot 2, broj: 16-2850-6/22 od 05.05.2022. godine, u postupku javne nabavke roba – Medicinska sredstva za potrebe Odsjeka za ortopediju/2, direktor Javne ustanove Opća bolnica „Prim. dr. Abdulah Nakaš“ donio je

ODLUKU **o izboru najpovoljnijeg ponuđača**

Član 1.

Prihvata se Preporuka o izboru najpovoljnijeg ponuđača za lot 2, broj: 16-2850-6/22 od 05.05.2022. godine i Okvirni sporazum za javnu nabavku roba – Medicinska sredstva za potrebe Odsjeka za ortopediju/2, LOT 2 – Implantati za minimalno invazivne i standardne stražnje instrumentacije cijele kičme, dodjeljuje se ponuđaču:

- **E-MEDIT d.o.o. Sarajevo, ponuda broj: P00014/22 dostavljena dana 18.04.2022. godine, za ukupnu cijenu ponude od 48.000,00 KM bez uračunatog PDV-a, odnosno 56.160,00 KM sa uračunatim PDV-om kao jedinom i najpovoljnijem ponuđaču, na godišnjem nivou.**

Član 2.

Postupak iz člana 1. ove Odluke proveden je metodom „otvoreni postupak“, te je nakon otvaranja i evaluacije ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u Tenderskoj dokumentaciji predvidio provođenje E-aukcije za sve lotove.

Član 3.

Nakon prijema i evaluacije ponuda konstatovano je da je ponudu za predmetnu nabavku za LOT 1 dostavio 1 (jedan) kvalifikovani ponuđač, i to:

LOT 1 – Implantati za operacije skolioza i kifoza

1. **TUZLA – FARM d.o.o. Tuzla, sa ukupnom cijenom ponude u iznosu od 74.240,00 KM bez uračunatog PDV-a.**

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 60/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Nakon prijema i evaluacije ponuda konstatovano je da je ponudu za predmetnu nabavku za LOT 2 dostavio 1 (jedan) kvalifikovani ponuđač, i to:

LOT 2 – Implantati za minimalno invazivne i standardne stražnje instrumentacije cijele kičme

1. **E-MEDIT d.o.o. Sarajevo**, sa ukupnom cijenom ponude u iznosu od 48.000,00 KM bez uračunatog PDV-a.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Nakon prijema i evaluacije ponuda konstatovano je da je ponudu za predmetnu nabavku za LOT 1 dostavio 1 (jedan) nekvalifikovani ponuđač, i to:

1. **E-MEDIT d.o.o. Sarajevo**, sa ukupnom cijenom ponude u iznosu od 52.630,00 KM bez uračunatog PDV-a.

Član 4.

Izabrani ponuđač: E-MEDIT d.o.o. Sarajevo se oslobađa obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama, jer je iste dostavio uz ponudu.

Član 5.

Prijedlog okvirnog sporazuma dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

Član 7.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: **16-2850-1/22 od 25.03.2022. godine.**

Javna nabavka je sprovedena putem **otvorenog postupka.**

Procijenjena vrijednost javne nabavke bez uračunatog PDV-a je **97.791,50 KM** na godišnjem nivou, odnosno po lotovima:

LOT 1 – Implantati za operacije skolioza i kifoza – 49.972,75 KM

LOT 2 – Implantati za minimalno invazivne i standardne stražnje instrumentacije cijele kičme – 47.818,75 KM

Obavještenje o nabavci, broj: 1125-1-1-89-3-67/22, objavljeno je na Portalu javnih nabavki dana 04.04.2022. godine. Sažetak obavještenja o nabavci objavljen je u Službenom glasniku BiH, broj: 20/22 dana 08.04.2022. godine.

Komisija za nabavku, imenovana je Rješenjem broj: 16-2850-2/22 od 25.03.2022. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 16-2850-5/22 od 05.05.2022. godine, Preporuku o izboru najpovoljnijeg ponuđača za lot 2, broj: 16-2850-6/22 od 05.05.2022. godine i Izvještaj o radu broj: 16-2850-7/22 od 05.05.2022. godine, u postupku javne nabavke roba – Medicinska sredstva za potrebe Odsjeka za ortopediju/2.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene 2 ponude,
- da su blagovremeno zaprimljene 2 ponude,
- da nije bilo neblagovremeno zaprimljenih ponuda;
- da je ponuda ponuđača **E-MEDIT d.o.o. Sarajevo** kvalifikovana i prihvatljiva za lot: 2, da su dostavljeni svi traženi dokazi propisani tenderskom dokumentacijom, na propisan način.
- da se odbacuje ponuda ponuđača **E-MEDIT d.o.o. Sarajevo** za lot 1, iz sljedećih razloga:
 - Ponuđač je u obrascu za cijenu ponude korigovao količinu, pa umjesto za 85 komada dao je ponudu za 5 komada za stavku 14 – Poliaksijalni transpedikularni titanijski vijak sa maticom za šipku 6,00 mm.

Imajući u vidu prednje navedeno, odbacuje se ponuda ponuđača **E-MEDIT d.o.o. Sarajevo** za predmetnu nabavku za lot 1, u skladu sa odredbama člana 68. stav (4) tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog **najniže cijene:**

E-MEDIT d.o.o. Sarajevo – Medicinska sredstva za potrebe Odsjeka za ortopediju/2, LOT 2 – Implantati za minimalno invazivne i standardne stražnje instrumentacije cijele kičme, ukupna cijena ponude bez PDV-a: 48.000,00 KM.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:


Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.** Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



DIREKTOR
Prof. dr. Ismet Gavrankapetanović

Dostaviti:

- Ponuđaču: E-MEDIT d.o.o. Sarajevo
- Ponuđaču: TUZLA – FARM d.o.o. Tuzla
- Odjeljenje za računovodstvo plan i analizu
- Odsjek za javne nabavke
- Bolnička apoteka
- Komisija za javne nabavke